

**-UPRAVNI ODBOR-**

Broj: 02-10-3/20

Sarajevo, 20. 02. 2020. godine

Na osnovu člana 17. Zakona o javnim nabavkama ("Službeni glasnik BiH", broj: 39/14), člana 129. Zakona o visokom obrazovanju („Službene novine Kantona Sarajevo“, broj: 33/17), člana 55. Statuta Univerziteta u Sarajevu i člana 36. stav (1). Poslovnika o radu Upravnog odbora Univerziteta u Sarajevu, te na osnovu Odluke Senata Univerziteta u Sarajevu broj: 01-2/20 od 19. 02. 2020. godine, a u skladu sa Odlukom o privremenom finansiranju potreba Kantona Sarajevo za period od 01. 01. - 31. 03. 2020. godine, broj: 01-04-1789/20 od 23. 01. 2020. godine, mišljenjem Agencije za javne nabavke, broj: 02-02-1-137-2/19. i Mišljenjem Odbora za finansije Univerziteta u Sarajevu, broj: 0105-2158/20 od 17. 02. 2020. godine, Upravni odbor Univerziteta u Sarajevu, na 24. redovnoj sjednici, održanoj 20. 02. 2020. godine, donio je *s l j e d e ć u*

ODLUKU**Član 1.****(Predmet odluke)**

Usvajaju se privremeni planovi nabavki organizacionih jedinica i Rektorata i centara Univerziteta u Sarajevu u ukupnim iznosima, kako slijedi:

	UNIVERZITET/FAKULTET/AKADEMIJA/INSTITUT	Ukupan iznos robe-uslugeradovi KM bez PDV-a
1.	Univerzitet u Sarajevu (Rektorat i centri)	1.341.525,00
2.	Univerzitet u Sarajevu - Akademija likovnih umjetnosti	143.500,00
3.	Univerzitet u Sarajevu – Fakultet političkih nauka	291.500,00
4.	Univerzitet u Sarajevu – Fakultet za kriminalistiku, kriminologiju i sigurnosne studije	97.475,00
5.	Univerzitet u Sarajevu – Fakultet za saobraćaj i komunikacije	395.400,00
6.	Univerzitet u Sarajevu – Farmaceutski fakultet	74.800,00
7.	Univerzitet u Sarajevu – Filozofski fakultet	261.058,00
8.	Univerzitet u Sarajevu – Medicinski fakultet	305.500,00
9.	Univerzitet u Sarajevu – Muzička akademija	142.740,00
10.	Univerzitet u Sarajevu – Pravni fakultet	120.950,00
11.	Univerzitet u Sarajevu – Prirodno-matematički fakultet	225.510,00
12.	Univerzitet u Sarajevu – Stomatološki fakultet sa klinikama	970.118,00
13.	Univerzitet u Sarajevu – Veterinarski fakultet	439.146,58
14.	Univerzitet u Sarajevu – Institut za genetičko inženjerstvo i biotehnologiju	217.669,14
15.	Univerzitet u Sarajevu – Institut za jezik	29.175,00

16.	Univerzitet u Sarajevu – Orijentalni institut	63.346,00
17.	Univerzitet u Sarajevu – Ekonomski fakultet	695.718,31
18.	Univerzitet u Sarajevu – Mašinski fakultet	1.155.400, 00
19.	Univerzitet u Sarajevu – Institut za istraživanje zločina protiv čovječnosti i međunarodnog prava	120.028,00

Član 2.

(Sastavni dio odluke o usvajanju privremenih planova javnih nabavki)

Sastavni dio ove Odluke o usvajanju privremenih planova nabavki organizacionih jedinica Univerziteta u Sarajevu čine pojedinačni privremeni planovi organizacionih jedinica koje su u cilju osiguranja kontinuiteta procesa nabavki, u uslovima privremenog finansiranja Univerziteta, izrazile potrebe za donošenjem istog. Privremeni planovi nabavki obuhvataju nabavku roba, usluga i radova, te sadrže podatke o predmetu nabavke, oznake iz jedinstvenog rječnika javnih nabavki, procijenjenu vrijednost nabavki, vrstu postupka, okvirno vrijeme pokretanja postupka nabavki i zaključenja ugovora i podatke o izvoru finansiranja.

Član 3.

(Pokretanje postupka javne nabavke)

(1) Postupak javne nabavke predviđene planom nabavki pokreće se donošenjem odluke o pokretanju postupka u pisanom obliku, koja obavezno sadrži elemente utvrđene članom 18. stav (1). Zakona o javnim nabavkama.

(2) Ovlašćuje se rektor Univerziteta u Sarajevu/rukovodilac organizacione jedinice, da za svaku stavku predviđenu u privremenom planu nabavki Univerziteta u Sarajevu/organizacione jedinice donese odluku iz stava (1). ovog člana, te po uspješnom okončanju postupka nabavke donese odluku o izboru najpovoljnijeg ponuđača, zaključi ugovor o javnoj nabavci i potpisuje svu finansijsku dokumentaciju u cilju izvršenja ugovorenih obaveza ili da donese odluku o poništenju postupka i odluku o pokretanju ponovnog postupka pod uslovima utvrđenim Zakonom o javnim nabavkama BiH.

Član 4.

(Obaveza postupanja u skladu sa zakonom i podzakonskim aktima)

Obavezuju se rektor Univerziteta u Sarajevu/rukovodilac organizacione jedinice da postupak javne nabavke provodi u skladu sa Zakonom o javnim nabavkama i podzakonskim aktima koji su doneseni u skladu sa zakonom.

Član 5.

(Objavljivanje plana javnih nabavki)

Univerzitet u Sarajevu/organizaciona jedinica objavljuje svoj privremeni plan javnih nabavki za 2020. godinu na svojoj internetskoj stranici u roku koji je utvrđen Zakonom o javnim nabavkama.

Član 6.

(Završne odredbe)

W

(1) Ova Odluka stupa na snagu danom donošenja, a primjenjuje se od 01. 01. 2020. godine.

(2) Ova Odluka će biti objavljena na internetskoj stranici Univerziteta u Sarajevu/organizacione jedinice zajedno sa privremenim planom javnih nabavki.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor u Univerziteta u Sarajevu
- Rukovodiocima organizacionih jedinica Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Internom revizoru
- Izvršnom direktoru
- Generalnom sekretaru
- Službi za računovodstvo i finansije Univerziteta u Sarajevu
- Službi za javne nabavke Univerziteta u Sarajevu
- Službi za plan, analizu i investicije Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

OBRAZLOŽENJE

PRAVNI OSNOV

Pravni osnov za donošenje Odluke o usvajanju privremenih planova nabavki Univerziteta u Sarajevu za 2020. godinu sadržan je u odredbama:

- člana 17. stav (1) Zakona o javnim nabavkama BiH („Službeni glasnik BiH“ broj: 39/14), kojim je utvrđeno da ugovorni organ može započeti postupak javne nabavke ako je nabavka predviđena u planu nabavki ili kada ugovorni organ donese posebnu odluku o pokretanju postupka javne nabavke;
- člana 18. stav (1) Zakona o javnim nabavkama BiH („Službeni glasnik BiH“ broj: 39/14), kojim je utvrđeno da ugovorni organ pokreće postupak javne nabavke donošenjem odluke ili rješenja u pisanom obliku koje obavezno sadrži: zakonski osnov za provođenje postupka javne nabavke, predmet javne nabavke, procijenjenu vrijednost javne nabavke, podatke o izvoru-načinu finansiranja i vrsti postupka javne nabavke.
- člana 129. stav (2) tačka i) Zakona o visokom obrazovanju („Službene novine Kantona Sarajevo“ broj: 33/17), kojim je utvrđena nadležnost Upravnog odbora da odlučuje o korištenju sredstava preko iznosa kojim može raspolagati rektor, i koji je utvrđen statutom visokoškolske ustanove;
- člana 55. stav (1) tačka j) Statuta Univerziteta u Sarajevu, kojim je utvrđena nadležnost Upravnog odbora da odlučuje o korištenju sredstava preko iznosa od 100.000,00 KM;
- **Član 1. Odluka o privremenom finansiranju potreba Kantona Sarajevo od 01.01. do 31.03.2020. godine**
- **Mišljenje Agencije za javne nabavke br. 02-02-1-137-2/19 od 18.01.2019. godine**

OBRAZLOŽENJE PRAVNIH RJEŠENJA SADRŽANIH U PRIJEDLOGU ODLUKE

Odredbom člana 1. i člana 2. odluke je usvojen privremeni plan javnih nabavki organizacionih jedinica Univerziteta u Sarajevu, koji su u uslovima privremenog finansiranja izrazili potrebu za donošenjem istog.

Odredbom člana 3. odluke je regulisan način pokretanja postupka javne nabavke. Članom 18. stav (1) Zakona o javnim nabavkama BiH je utvrđeno da ugovorni organ pokreće postupak javne nabavke donošenjem odluke u pisanom obliku koje obavezno sadrži: zakonski osnov za provođenje postupka javne nabavke, predmet javne nabavke, procijenjenu vrijednost javne nabavke, podatke o izvoru-načinu finansiranja i vrsti postupka javne nabavke.

U prijedlogu odluke član 3. predloženo da Upravni odbor ovlašćuje rektora/rukovodioca organizacione jedinice da za svaku stavku predviđenu u privremenom planu nabavki Univerziteta u Sarajevu/organizacione jedinice donese odluku iz stava (1) ovog člana, te po uspješnom okončanju postupka nabavke donese odluku o izboru najpovoljnijeg ponuđača,

zaključi ugovor o javnoj nabavci i potpisuje svu finansijsku dokumentaciju u cilju izvršenja ugovorenih obaveza ili da donese odluku o poništenju postupka i odluku o pokretanju ponovnog postupka pod uslovima utvrđenim Zakonom o javnim nabavkama BiH.

Odredbom člana 4. odluke je utvrđena obaveza rektora/rukovodioca organizacione jedinice da postupak javne nabavke provodi u skladu sa Zakonom o javnim nabavkama i podzakonskim aktima koji su doneseni u skladu sa zakonom.

Odredbom člana 5. odluke je utvrđena obaveza Univerziteta/organizacione jedinice da objavi privremeni plan nabavki za 2020. godinu na svojoj internetskoj stranici.

Odredbom člana 6. odluke je regulisano pitanje stupanja na snagu odluke.

PRILOZI

ZAKON O JAVNIM NABAVKAMA („Službeni glasnik BiH“ broj: 39/14)

Član 17.

(Uslovi za početak postupka javne nabavke)

- (1) Ugovorni organ može započeti postupak javne nabavke ako je nabavka predviđena u planu nabavki ili kada ugovorni organ donese posebnu odluku o pokretanju postupka javne nabavke.
- (2) Ugovorni organ mora objaviti plan nabavki čija je vrijednost veća od vrijednosti utvrđenih u članu 14. stav (1) ovog zakona na svojoj internetskoj stranici, i to najkasnije u roku od 60 dana od dana usvajanja budžeta, odnosno finansijskog plana.
- (3) Ako se ugovor dodjeljuje na period duži od jedne godine, obaveze koje dospijevaju u narednim godinama moraju biti ugovorene u iznosima predviđenim propisima kojima se uređuje izvršenje budžeta ili finansijskog plana za svaku godinu posebno.

Član 18.

(Odluka o pokretanju postupka javne nabavke)

- (1) Ugovorni organ pokreće postupak javne nabavke donošenjem odluke ili rješenja u pisanom obliku koje obavezno sadrži:
 - a) zakonski osnov za provođenje postupka javne nabavke;
 - b) predmet javne nabavke;
 - c) procijenjenu vrijednost javne nabavke;
 - d) podatke o izvoru-načinu finansiranja;
 - e) vrstu postupka javne nabavke.
- (2) U slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II. Dio B, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tač. b), c) i d) ovog člana.

ZAKON O VISOKOM OBRAZOVANJU („Službene novine Kantona Sarajevo“ broj: 33/17)

Član 129.

(Nadležnost upravnog odbora)

- 1) Za poslovanje visokoškolske ustanove odgovoran je upravni odbor.
- (2) Upravni odbor obavlja poslove utvrđene zakonom i statutom visokoškolske ustanove, a naročito:
 - a) daje mišljenje o statutu visokoškolske ustanove;
 - b) donosi pravilnik o radu visokoškolske ustanove, rektorata I organizacionih jedinica te druge opće akte u skladu sa zakonom i statutom visokoškolske ustanove;
 - c) utvrđuje planove finansiranja i razvoja visokoškolske ustanove;

- d) donosi godišnji program rada visokoškolske ustanove, na bprijedlog senata visokoškolske ustanove i prati njegovu realizaciju;
- e) usvaja finansijski plan;
- f) usvaja šestomjesečni i godišnji izvještaj o radu sa finansijskim poslovanjem;
- g) usmjerava, kontroliše i ocjenjuje rad rukovodioca visokoškolske ustanove/organizacione jedinice u domenu finansijskog poslovanja i preduzima potrebne mjere I aktivnosti da bi se osigurala zakonitost finansijskog I ukupnog poslovanja visokoškolske ustanove;
- h) rješava pitanja koja regulišu odnos visokoškolske ustanove i osnivača;
- i) odlučuje o korištenju sredstava preko iznosa kojim može raspolagati rukovodilac visokoškolske ustanove/organizacione jedinice, a koji je utvrđen statutom visokoškolske ustanove;
- j) odlučuje o prigovoru odnosno `albama zaposlenika na odluketijela visokoškolske ustanove/organizacione jedinice koji su u prvom stepenu odlučivali o pravima, obavezama odgovornostima zaposlenika iz radnog odnosa;
- k) podnosi osnivaču šestomjesečni i godišnji izvještaj o radu sa izvještajem o finansijskom poslovanju visokoškolske ustanove;
- l) obavlja i druge poslove u skladu sa zakonom, aktom oosnivanju i statutom visokoškolske ustanove.

STATUT UNIVERZITETA U SARAJEVU

Član 55. (Nadležnosti Upravnog odbora)

Nadležnosti Upravnog odbora su:

- a) daje mišljenje o Statutu Univerziteta,
- b) donosi pravilnik o radu Univerziteta/Rektorata i organizacionih jedinica na način predviđen zakonom i ovim statutom,
- c) donosi i druge opće akte u skladu sa zakonom i ovim statutom,
- d) donosi odluku o osnivanju drugih pravnih lica u skladu sa zakonom i ovim statutom,
- e) utvrđuje planove finansiranja i razvoja Univerziteta,
- f) donosi godišnji program rada Univerziteta na prijedlog Senata i prati njegovu realizaciju,
- g) utvrđuje budžet/finansijski plan te šestomjesečni i godišnji izvještaj o radu sa finansijskim programom na prijedlog Senata u skladu sa zakonom,
- h) usmjerava, kontrolira i ocjenjuje rad rektora/rukovodioca organizacione jedinice u domenu finansijskog poslovanja i preduzima potrebne mjere i aktivnosti da bi se osigurala zakonitost finansijskog i ukupnog poslovanja Univerziteta,
- i) rješava sva pitanja koja reguliraju odnos Univerziteta i osnivača,
- j) odlučuje o korištenju sredstava preko iznosa od 100.000,00 KM,
- k) odlučuje o prigovoru/žalbama zaposlenika na odluke tijela Univerziteta/organizacione jedinice koja su u prvom stepenu odlučivala o pravima, obavezama i odgovornostima zaposlenika iz radnog odnosa,

- l) osnivaču podnosi šestomjesečni i godišnji izvještaj o radu sa izvještajem o finansijskom poslovanju Univerziteta,
m) obavlja i druge poslove u skladu sa zakonom i ovim statutom.

**Odluka o privremenom finansiranju potreba Kantona Sarajevo
od 01.01. do 31.03.2020. godine**

Član 1.

Privremeno finansiranje potreba Kantona Sarajevo, za koje se sredstva obezbjeđuju u Budžetu Kantona Sarajevo, u period 01.01.2020. do 31.03.2020. vršit će se srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu godinu.

**Mišljenje Agencije za javne nabavke (izvod iz odgovora na upit br.02-02-1-137-2/19 od
18.01.2019. godine)**

“Članom 17. Zakona je predviđeno donošenje posebne odluke o pokretanju postupka javne nabavke u slučaju kada konkretna nabavka nije predviđena u planu nabavke, u smislu da se dogode nepredviđene situacije za ugovorni organ, naravno pod uslovom da se ne mogu dovesti u direktnu vezu sa ugovornim organom, kao npr. Hitnost ili rebalan budžeta I sl. To praktično znači da posebna odluka za pokretanje postupka javne nabavke iz člana 17. Stav (1) Zakona predstavlja osnov za izmjenu plana nabavke. Ukoliko određena nabavka nije predviđena postojećim planom nabavki, ugovorni organ je dužan da posebnom odlukom o pokretanju postupka javne nabavke izmjeni postojeći plan nabavki i uvrsti nabavke koje će se vršiti do donošenja plana nabavki.

Nadalje, u konkretnoj situaciji, ukoliko ugovorni organ ima usvojen dokument kao što je Odluka o privremenom finansiranju, mišljenje Agencije je da bi ugovorni organ trebao donijeti plan nabavki (privremeni) na osnovu takvog dokumenta i kao takvog ga objaviti na svojoj web stranici, ukoliko nabavke prelaze vrijednosti iz člana 17.stav (2) zakona, kako bi stekao uslove za pokretanje postupka javne nabavke. U protivnom, ugovorni organ nema stečene preduslove za pokretanje postupka.

Dakle, u slučaju kada ugovorni organ nema sumnje u to da će u toku realizacije ugovora, u vrijeme kada bude potrebno izvršiti plaćanje ugovoraču, ima potrebna sredstva, može pokrenuti postupak javne nabavke. “